



Broj: 01/11-02-932-1/25
Sarajevo, 23. 4. 2025. godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:			
Org. jed.	Broj	Priloga	Vrijednost

Komisija za lokalnu samoupravu Predstavničkog doma Parlamenta Federacije BiH (u daljem tekstu: Komisija), **na 10. sjednici, održanoj u srijedu 23.4.2025. godine**, razmatrala je i jednoglasno usvojila sljedeći:

DNEVNI RED

1. Usvajanje zapisnika sa 9. sjednice Komisije,
2. Prijedlog Zakona o Gradu Kiseljak- skraćeni postupak,
3. Inicijativa broj: 01-02-72/20 od 16.7.2020. godine, -Informacija, veza: 01-02-1357/20 od 14.12.2023. godine, zaprimljena 11. 3. 2025. godine,
4. Tekuća pitanja.

Sjednici Komisije prisustvovao je dovoljan broj članova Komisije, tako da su ispunjeni uslovi za punovažan rad u pogledu kvoruma i odlučivanja.

Na osnovu člana 44., a u vezi sa članom 67. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-1 Usvajanje zapisnika sa 9. sjednice Komisije
Zapisnik sa 9. sjednice Komisije je jednoglasno usvojen.

Ad-2 Prijedlog Zakona o Gradu Kiseljak- skraćeni postupak

Nakon izlaganja predlagača zakona, Komisija je jednoglasno donijela sljedeći:

ZAKLJUČAK

Komisija za lokalnu samoupravu Predstavničkog doma podržava Prijedlog Zakona o Gradu Kiseljak- skraćeni postupak te predlaže Federalnom ministarstvu pravde da prihvati Amandman I koji je podnesen na Prijedlog Zakona o Gradu Kiseljak- skraćeni postupak, broj: 01-02-537/25 od 14. 4. 2025. godine.



*Ad-3 Inicijativa broj: 01-02-72/20 od 16.7.2020. godine, -Informacija, veza: 01-02-1357/20
od 14.12.2023. godine, zaprimljena 11. 3. 2025. godine*

Nakon izlaganja predstavnice Federalnog ministarstva pravde i sveobuhvatne rasprave prisutnih članova, Komisija je sa osam (8) glasova za i jednim (1) suzdržanim glasom donijela sljedeći:

ZAKLJUČAK

Komisija za lokalnu samoupravu Predstavničkog doma ne podržava Inicijativu općine Usora za donošenje izmjene Zakona o konstituisanju novih općina u Federaciji BiH i izmjeni područja općina podijeljenih međuentitetskom i međukantonalnom/međuzupanijskom linijom (Službene novine Federacije BiH" broj 6/98):

NORMATIVNO-PRAVNI ASPEKT

- Inicijativa Općine Usora iz 2020. godine poziva se na Zakon o konstituisanju novih općina u Federaciji BiH i izmjeni područja općina podijeljenih međuentitetskom i međukantonalnom/međuzupanijskom linijom (Službene novine Federacije BiH" broj 6/98), koji je kao takav donesen Odlukom Visokog predstavnika u Bosni i Hercegovini 1997. godine, a usvojen u parlamentarnoj proceduri 24. februara 1998. godine. Navedena inicijativa Općine Usora ne može zadirati u postojeće zakonom utvrđene granice, te samo pozivanje na odredbe citiranog zakona i **temeljenje pravnog osnova nije prihvatljivo.**
- Inicijativa Općine Usora, ukoliko je shvaćena njena stvarna namjera, utemeljenje je morala imati u za to predviđenoj zakonskoj proceduri utvrđenoj **Zakonom o utvrđivanju naseljenih mjesta i o izmjenama u nazivima naseljenih mjesta u određenim općinama** ("Službeni list SRBiH" broj 24/86, 33/90 i 32/91 i "Službene novine Federacije BiH" broj: 14/04, 69/05, 68/05 i 81/11). Naime predmetna inicijativa je suprotna procedurama utvrđenim Zakonom o utvrđivanju naseljenih mjesta i o izmjenama u nazivima naseljenih mjesta u određenim općinama, na osnovu kojeg su Komisija, ali i Federalni parlament uvijek do sada uopće razmatrali inicijative za formiranje novih naseljenih mjesta. **Smatramo da Inicijativa nema adekvatan pravni osnov i nije zakonski prihvatljiva.**
- Inicijativa je neprihvatljiva i zbog člana 41. Zakon o konstituisanju novih općina u Federaciji BiH i izmjeni područja općina podijeljenih međuentitetskom i međukantonalnom-međuzupanijskom linijom, **kojim je ostavljen jednogodišnji rok za rješavanje statusa teritorije naseljenog mjesta Tešanjka, od čijeg dijela je formiran tzv. Distrikt. Odlukom OHR-a uspostavljene su neke nove općine po etničkom**



principu, ali nisu preuzeli odgovornost da razriješe pitanje Distrikta. OHR se više puta vraćao na ovu temu, ali distrikt i dalje postoji. Potrebno je naglasiti da je ovaj problem aktuelan od 1998. godine te **smatramo da se aktualizacijom inicijative općine Usora nastoji promijeniti naziv naseljenog mjesta očekujući da dugogodišnje pitanje Distrikta promijeni naziv i time prečutno postane dio općine Usora**. Ako se vraćamo 27 godine unazad na odredbe citiranog zakona, onda trebamo pogledati član 41. istog i vidjeti da status određenog dijela naselja Tešanjka nije riješen kako je predviđeno zakonom za godinu dana. Danas postoji Distrikt između dvije općine definisan članom 30. Odluke OHR-a: „Sportski teren u Tešanjci sjeverno od puta na relaciji Doboj- Teslić, kao i teritorija koju taj teren pokriva uključujući i sjevernu polovinu puta koji graniči sa terenom, neće pripadati ni Usori ni Tešnju sve dok OHR kasnije ne donese konačnu odluku. U toku tog perioda sadašnji organi uprave nastavljaju da izvršavaju svoje funkcije, ali će osigurati da sportisti iz obje općine mogu besplatno i pod jednakim uslovima koristiti sportski teren. Najkasnije 31.12.1998. godine će općine Usora i Tešanj zajednički predložiti rješenje Uredu Visokog predstavnika za konačnu Odluku“

- **Inicijativa** nije u skladu sa članom 5. Evropske povelje o lokalnoj samoupravi, koja se odnosi na zaštitu granica lokalne vlasti, a čije je poštivanje odredbi i implementacija istih u zakonska rješenja jedna od nadležnosti Komisije za lokalnu samoupravu Predstavničkog doma PFBiH, a članu 5. Povelje glasi:

Zaštita granica lokalna vlasti

Promjene granica lokalne vlasti **neće biti izvršene bez predhodne konsultacije sa lokalnim zajednicama kojih se to tiče**, vjerovatno putem referenduma gdje je to predviđeno statutom.

Ad-4 Tekuća pitanja

Članovi Komisije jednoglasno su prihvatili prijedlog predsjednika Komisije da razmotre pristiglu Inicijativu za pokretanje postupka proglašenja Općine Tomislavgrad Gradom, broj: 01-02-875/25 od 11. 4. 2025. godine te nakon sveobuhvatne rasprave, Komisija je donijela sljedeći:

ZAKLJUČAK

Komisija za lokalnu samoupravu Predstavničkog doma traži da se Federalno ministarstvo pravde izjasni po predmetnoj Inicijativi.

U skladu sa članom 53. Poslovnika Predstavničkog doma za izvjestioca je određen, Salko Zildžić, predsjednik Komisije.

PREDSJEDNIK KOMISIJE
Salko Zildžić, s.r.